شعر

عبده الزراع

(الطبعة الأولى)



دار الفراعنة للنشر والتوزيع والترجمة .



اسم الديوان : لمسة حنان من ريش جناحها

اسم المؤلف : عبده الزراع

رقم الإيداع : ٢٠١٩/٢٣٧٧٧

الترقيم الدولي : ٩-٥٩-٦٦٦٨-٩٧٧-٩٧٨

تصميم الغلاف

المدير العام : محمد عيد

المدير التنفيذي : عزة ابراهيم

رئيس مجلس الإدراة : إكرام عيد .

.77772..27/.1..7121720

لا يسمح بإعادة طبع ونشر هذا الديوان أو أي جزء منه بأي شكل من الأشكال أو حفظه أو نسخه في أي نظام إلكتروني أو ترجمته إلى أي لغة أخرى دون الحصول على إذن خطي مسبق من الناشر أو المؤلف وإلا تعرض فاعلصك فاعلصك المسائلة القانوني

كل الحقوق محفوظة

دار الفراعنة للنشر والتوزيع والترجمة.

الأراء الواردة في هذا الكتاب لاتعبر بالضرورة عن دار الفراعنة للنشر والتوزيع



غبده الزراع

وقت عصيان الأمل

قصقصت ريشك

طيرتي في دنيا البراح

ورسمتى جرحى من نزيف اللحظة شوق

ورفعتى اسمى من سجلات الوداع

ودخلتي بيا في الوجع

كان ليه رهانك م المبتدا قلبي

وكانت دهشتك عنوان وجودى

وانتصارك على الفراغ..

كملتى بيا خريطة المعنى..

فكنت المنتهي

شوفتینی من خرم إبره فی کوم حصادك

أصبحت زيف ونزيف وطيف خفيف بير ف حوالين شمعتك خجلان..

يدخل غريب في ليل الوحدة والنسيان لكن سيان أكون وياكي أو وحدى تفرقش وياكي الحياه

ولا روح بتحلم بالحنان وقت عصيان الأمل

م المحتمل أتهجى خوفى نشي وأعيد رهانى من جديد على طير وحيد بجناحه ريش لا عمره خاف ولا مسه طيش النار بتاكل ف الحطب والخيش...

ورماده يبقى دوامات ف الريح

كتكوت فصيح طالع يصيح

وجناحه رف رفتين

وقف حزين على درفة الشيش الازاز

حيران أكيد مش لاقى بر

وما فيش مفر

لازم قرار ومفهش شر

صحيح مضطر أتأخر خطوتين للخلف

وأبص ع المشهد

وأستنشق رحيق خطوتى الجايه لفين

رايحه وفين جايه وفين الدنيا وخدانا تمطوحنا

وترمينا في حضن الداية والوالدة

ما فيش فايدة. ولا فيها لا خالد ولا خالده.

لكن هنعيشها بعبالها لآخر قطره..

والمطرة بتغسلنا من الأدران ومش شوقى اللى قاتلنى لكن قلبه الجحود نالنى بخنجر

سمه کان نافد

وأنا وافد على الدنيا..

وعارف إنها فانيه وبين الثانيه والتانيه

باستنشق بالهدى إسمك

وتظلمني !!!

وتظلمنى.. وأنا الحارس على بابك وأنا اللى مقلم الشجرة في عز المطرة ما بتنزل على رحابك وأنا السمار وأنا السامر ودافع وقتى بأنقر على شباك الموصد وأغنى غناى وأشعارى وأبرد فى الهوى نارى

وكل مره تظلمنى أكون مظلوم لكن حزنى اللى قاتلنى على ظلمك

لا كان بايدى أعدى البحر

وأدوق قمر اللقا بينا ولا حاوى ولا مخاوى

ولا جنى علاء الدين

هاجيباك حتة م النجمة

أم ديل مقطوع وحطت فوق سطوح بيتنا ولمتنا أنا وأنت

فى ونسة ليل بنتواصل ساعات ياما تعدى علينا

وبتجرى كما حصان السبق مطلوق نحاول نظبط اللحظة ما نعر فشي...

ويخرج جيش مشاعرنا

يفيض ويكفى ناس غيرنا

وأنا تايه و لا دريان..

وأنت التوهه وخداك لأقسي

ما يمكن التوهان

نفوق نندم..

ونرجع عصفورين

يحاولوا يطيروا في البستان

وتظلمني.

وليه تظلمني وأنالم أرتكب جرما ولا عصيان

خيالي بس كان شاطح.

ومتصور بأن الود كان ممدود.

طلعت أكيد أنا الغلطان

وفاهم إنى مش غلطان

وإن الكره متجذر بقاله سنين

وانك إنت متسلط على موتى

وإن ربك الغفار أكيد موجود

ما تظلمنیش عشان خاطری..

ودور بس فی دفاتری

مسيرك يوم تلاقى حاجه تشفع لى لدى قلبك

ولو نقطة في بحر أخطائك المليان

ولو نسمه حرفى بؤنه فى قلب صحرا مترامية.

ولو ثمره في عين جوعان فحاول تصفى.. وتتاصفى مع الأحزان وأقرأ في سورة الفاتحة وأقرأ في سورة الرحمن.

بدون تأشيرة للمرواح

شغلت الروح وروحت بعيد ولا استأذن وأنا جايلك بدون مواعيد ولا استأذن رح اخطف دهشة اللحظة تكون عنوان أنا إنسان..

ولى قليب بيحلم يدخل البستان ويقطف أجمل الزهرات ويتشعبط على الأراجيح دا طبعه مريح لكنه عنيد

ونفسه طویل مبیکلش ولا یملش.

عشان روحه فياضة

وعاشقه الروح وساكنه حتى دباتها..

وطيرانها..

واحباطها..

وألحانها..

ورقتها..

وقسوتها في كل حالاتها عاشقاها عشان برائتها أخاده وخطافه وخطفتني وأنا رايح لها حتما بدون تأشيرة للمرواح بدون ما انقرز على الشباك أنا عامل لنفسى كمين. و مش ممکن هتهر ب منی و تعافر عشان هي كمان عاشقه لروحي بس ممتنعه عن الاظهار واخدها الكبر ومقاوحه بتتعذب في بعدي اكيد.. وأنا واثق هنفرح فرحه مجنونه

كطفل برىء بيتعلق في بالونه

ساعاتها هتدخل الأحضان...

ودقات روحها رح تهدأ عشان ملت من الوحدة..

من التفكير

من التأخير..

لكنه خير هيملأ الدنيا بالافراج ويدمل أى قسوه.. جراح فجى لك إلبسى الفستان..

ويلا نقرشي الطرحه وعيشي الفرحه يا روحي..

أنا روحى خلاص سكنت جوار روحك ورسمه ملامح اللحظه بدون ألوان.

لمسة حنان من ريش جناحها

با دهشة العصافير في دخلة المغرب لما بيزحف ليل جديد. تتكحل عنيها بالنعاس وتخاصم الزقزقة تنام وتتعشى سكات وهدوء يوحشها شوق الرفرفه. فينقرز الضوء اللي طالل م الشبابيك في دغشة الفجر البريء... و يتسحب نسيمه الطازة يخض جفنها المقفول فتواربه ينعشها الأدان فتقوم بسرعة تتوضى بالأحلام يسجد وريدها خشوع لرب العالمين وتتوب عن أي طيش مع بنت الجيران م الطير أو لمسة حنان من ريش جناحها

اللي اتفردع الغير و دقة القلب الحرون... أو بوسه سرقه في عش براني بعيد عن عين كل الصغار الحير انين أو عيون البصاصين ع العشق لما بيز غزغ قلوب المشتاقين تفر د حناحاتها الرقيقه ف الهوا تملأ الحياة طيران وغنا مع طلة أول شعاع هربان من شمس النهار الجاي بالحنين فتروح خماصا وهي بتوحد ربها و تعود بطانا في الأصبل تطعم ولادها من رحيق الحب شهد الرضا

وتسلم بالمناقير الفتات والحب فيفيض موسيقا ونغم..

وتعزف الدنيا لحن وصخب وضجيج..

تتعب العصافير من كتر المشاوير

واللف والدوران على رزقها..

فتحضن بعضها وتتنفس نعيم

وراحة قلب م المعاناه..

تدهشها دخلت مغربية بدغششتها

فتسلم الروح وتدخل في النعاس.

وهي بتحلم بميلاد جديد يدق ضلفة عشها..

فتقوم تسبح ربها وتجرى

ع الرزق بالمشاوير.

بكل بساطه بتضحى وبتبيع اللى كان بينا..
بطلّة وشك البنور تكب النور
ويتدحرج شعاع مغشوش على الأسفلت
وتتدارى فى سكون محرج..
من الدقات اللى شاغلة القلب بتناور
وبتحاور تكون كارهة ومش قادرة..
وترفع إيدها بالدعوات لرب الكون
جايز يقبلها فى الملكوت..

وتنسى الموت اللي بيشوش في تفكيرها

بكل بساطة بتعدى لليل مزنوق...

وتنسى الضوء اللي كان ساطع

على حيطان الهوى الحيران...

وتفكيرها أكيد مشلول..

أكيد قاصر بوازع قلة الخبرة

ومش قادرة تحدد أحاسيسها

اللي مهزوزة

بكل بساطة جت رامية في وشه النار

وكات جمراته حراقه..

أكيد مشتاقه للدوران

تطفى الباقى م الأحزان

بلاش تستعجلي القسوة.

وسيبى النخوة تتهجى ملامحها

جايز ترجع عن المكتوب..

وتبحث عن وطن تانى يكون خالى

مفهش دموع

مفهش أو هام بتتخلّق على مقاسك.

وإن داسك زمن مزموم

فعودى بسرعة لطبيعتك.

لأحلامك..

صفى قلبك.

لبسمة راسمه تفاحها على خدودك

لنور قايد في وجدانك..

بكل بساطة هتلاقى الحياه سهلة

ومش مستهلة تتعقد

وتتشبك عقد شراشيب.

وانتى الطيب. وريحته طاله م البساتين

ياليلة عيد..

وأجمل طاله في المواعيد.

غبده الزراع

اللیل بیعدی علی مهله... سایب نهار شقیان

بيتاوب على مصطبة بيتنا

وولاد حارتنا بيلعبوا السيجه ..

وساعات بيتخفوا من عيون الناس

ويمارسوا سوا العشق الحلال...

واد بيخطف بوسه من بنت الجيران

تضحك وتجرى وراه..

تخطف طاقيته الشبيكه

وترميها للقمره

وتغنى

(ياما القمرع الباب. ياما أنادى له. ولا أرد الباب).

يضحك عجوز

مركون على جذع شجرة جزورين

وسنانه مترمین..

وعجوزه تجرى بالعصايا وراهم والهوا بيلاعب شجرة الصفصاف

اللي خاصمت العصافير

م الصيف اللي فات

تضحك بنات ويرقعوا الزغاريد.

يملوا المواعين م الترعه

ويناغشوا بعضيهم

وبيعتوا الإشارات لعيون شباب

بيغازلوا خطاويهم وهما بيتمايلوا...

وتتولد ما بينهم حكاوى الغرام الجديدة

يضربوا المواعيد ويتقابلوا..

والليل بيعدى على مهله.

شايل معاه الذكريات

من عمر فات..

وجيل بيسلم لجيل مواويل

وحكايات من زمن والجدات والتعلب لما فات وف ديله سبع لفات

و (أبوك السقا مات)

یاااااه.. علی حزننا المركون

وضحكنا و هزارنا و غنانا
أولاد جدیده و بنات جوه الحیاه

بیمارسوا أحلامهم ..

وما فیش فی بالهم غیر یوم و بیعدی..

وثانیه بتسلم للدقیقه للساعات..

ونهار بیسلم همومه و فرحه للیل الولید

واللیل بیعدی علی مهله.

هو ممكن يوم تعودى

لیه عیونك كات بتهرب من عیونی... تنتعش لوعة ظنونی وتناوشنی

أحلى بسمه مستحيه.

ليه عتابك ويا جرحك بيعاتبني

كنت ببعتلك رسايل شوق ولهفه متداريه

شفتنى يومها ارتبكتى وانشغلتى بالغموض المصتنع وإنت قلبك ممتنع عن إنه يرجع

في التفاصيل اللي تاهت في دهاليز الغضب.

مش هاعتبك ع اللي راح من عمر بينا.

بس محتاج إنى أشوفك نجمه بتضوى في طريقي.

قمره فوق سطح الليالي الواخده مني أحلى ذكرى

أرسمك شمس الخيال اللي بتخايل فؤادي.

اللي بتعزز مواقفي في الظروف الصعبه جدا

في النجاحات الفريدة...

كنت بأحلم تبقى جنبى وإحنا بنخطى الطريق.

واحنا بنعدى م النهار ده لبكره أحلى..

سبتني و رميتي حدييتنا الطويل المنتشى...

واللى مليان بالغنا والذكريات جوه بير ملهوش قرار..

حس قلبي بارتعاشه خوف ونشوى لما كنتى عليا قاسيه.

لما كانت صدمتك قسماني قسمه.

آه یا نسمه کات بتنعش روح وجودی..

هو ممكن يوم تعودى؟..

تبعتی ورده فی بریدی..

وقتها كان يبقى عيدى وقتها كان يهدى قلبي.. والهدى يبقى طريقي.

غبده الزراع

البحر شاهد دليل

"إسكندريه مرية" ولا إحنا مش عارفين. ؟! البحر فيه جنيه فارشه السكك قناديل الموجه بتبوسها وتدادى .. والطبطبات مواويل.

بترد روح الروح وبتبعت النسمه ف الصبح مبتسمه بتبعتر الضحكات

بببتر المتعدد وش البنات شربات. وشعورها بتسافر دوامه

ف السماوات ر اسمه خربطة وطن ... شايل وجع وأهات شايله جنون المحبة بين بنت قمريه وشاب أسمر نحيل .. معجون بشمس الضحي ع الشط ف ميامي ببنادی با "فر بسکا " والضحكة ما تفرقوش... والبنت بيه مغرمه و هو مغرم بها والبحر شاهد دليل على قصه ف الحواديت ف الصبح أو ف الليل.. راسمين ملامح جديدة لعشق أبيض جميل. غبده الزراع

قلوب ضحكتها من أسفلت

قلوب ما عرفت يوم تحب ..

ولا مسها شوق الغرام ..

ولا هفهف الفستان ريح اللقا..

فطير ضحكتين رايقين ..

شبكوا الضفاير ف الهوا

قلوب ضحكتها من أسفلت وروحها من رخام.

وعيون بتجيد خيانة اللحظة

بتمثل دور العاشق الولهان على قلب كان صافى

وروحه صفصافى..

قلوب خداعه وملاوعه..

بتطلق الضحكات من غنج أوصالها.

فردت شباكها واصطادت السمان...

ومين شغل بالها

ملهاش أمان ولا وصفها خافى

شغلت حدادي السكك.

وبرضه مش كافي

قلوب ما عرفت ربنا ولا وحدوه في علاه

البعد عنها غنايم ..

يتفات لها البلدان.

الحياة لما تعدى مقلقه

ومالوش عزيز على إنه يتلملم حتت..
ولا حتى بيدارى الكسوف م الخوف والانسحاق..
تحت أقدام البشر
وما عدش خير ولا حتى شر..
ولا حاجه لافته الإنتباه
آه م الحياة لما تعدى مقلقه..
ويا إنتشار الأوبئة والموت رخيص
عمال يخبط ع البيبان
يحصد الأرواح وهو مختفى
الدنيا ليل ولا النهار هربان

كسر الازاز مدشوش بيبرق في الوميض...

خلف غيمه معتمه

لا سيما فرحه بتفلت مرغمه..

تنبت في قلب اللحظة...

إما جنين أو برعمه

تكبر شجر دفيان بيطرح أوسمة.

نطلع سما ونعود كما عصفور جريح وجناحه ما تحملش ريح.

يكره صفيح مسقوفه بيه بيوت الفقاره يا ميت خساره.

على اللى عدى من هنا ولا لوش أماره غير إنه ساكن جوا حارة

والحاره بتسلم لحاره.. لحارة سد..

لا دنيا راح تتهد

ولا جملة بتكمل عبارة..

زى كسر إزاز مدشش بيبرق في الوميض

ومالوش عزيز علي إنه يتلملم حتت..

يبقى سليم ولا يوم بيعرف لانكساره

رافع جبينه لوش شمس الضحي.

ومالك قراره.

غبده الزراع

بتحمينى من الحروم الأمطار !!!

طراوة إيه ؟!

أنا ماعرفش غير حر السنين الضنك.. ونفسي أروح لفسحايه تطرى القلب والضحكة وتنقش ع الكفوف ورده وفارده البسمة ع الأحباب

وإن غاب النهار حتما هييجي نهار..

ملوش ف الخبث والأسرار

نهار واعر وعارف سكته الخضره

وراسم وشم ع الأشجار

وراسم قلب غنيوه وسهم بيمشي بالمشوار

وداری یا دار..

أنا منك ولحم كتافي من خيرك

ماليش غيرك بتحميني من الحر وم الأمطار

تدفینی و تدینی برستیجی ما بین الاهل و الاغراب

وإن جه الأمل خبط.

هنخده بسرعة بالاحضان

ونتفائل مدام الخطوه ممدوده

وعارفه طريقها والمشوار

وعارفه حلمنا الساكن ما بين القلب والنني

وعمره ما غير العنوان.

الولاد الغوص

ليه بتمشي الدمعة مشوار الرحيل.. ؟!
لا بننسي لحظة مستحيل
ولا تختفى رمشة شجر على الطريق
هربانه حكاوى الولاد الغوص ف عب الوقت
ومجرحه المناديل..
أنا مش رهين اللقا..
ولا فاتح الزنازين

ولا قائح الرداريل أنا أبن أبيض ورد في البساتين وابن بوح الروح لما تكون هيمانه ف الملكوت لا صوت بيحكمها. ولا صهاله ف سكوت ولا حس بيها طلع النخيل ف الليل. ولا الحمام لما يولف ف البيوت يا قطر لما تفوت ما تقولش توت

علشان يمام البر ما يخطيش.

وجع القلوب بيطيش.

والهم أصبح حزم والفرح ما يكفيش.

يا أجمل الطلات !!!

```
عنيك مرسايا
ومحطتى للانطلاق ..
يا نجمه فى سمايا..
وانت ست الحسن ف الحكايات
ووصيفة الملكات
طالعه لى من جوا التاريخ
مغسوله بالندى والمسك
وبريحة الشربات
يا أجمل الطلات من ورا الشبابيك الرخام ..
يا أجمل اللحن القديم..
```

نهار سارق وردتین م الضی

وليه بتركن ضحتك موال للبكا. ؟!

وتنصح القلب الشحيح يفتح الضلفات لنور الصبح ..

من غير بعككة

ويكشف المستور فتكتر اللكلكة ...

فتنز دمعة مهجتك ملمح وفا...

فيتاوب نهار سارق وردتين م الضي

يا وجع مش حي..

ومخبى روحه فى انشطار البهجة بين حزن وفرح بين طرح النخيل وموت نازف لسابع درك.

فرك الحصان كعبه على الأسفلت.

طلعت بازلت في حدوته

كات غنوته مكسوره ع السكه..

والضل رامى جفونه ورايح ف النعاس.. مشاوير وولاد تلامذة بيكتبواع الدكة..

وكأنهم بيحصروا عكا..

راسمین غناوی البراءة فی کراسات الدرس نازلین هزار وبیلعبوا بفکه.

افتح طریقی یا قمر نسای والمس لی قلبی والنبی بالراحة واغمز لی روحی بالهوا والشای أصل عیونك یا جمیل دباحه وأنا كنت منك وانت منی ازای والدنیا واخدنا سوا للواحه صوتك بیشبه بحة أجمل نای خطوك شابكنی وانت جایه ورایحه حرمت أحبك م النهارده وجای یا أبو ضحكه طازه تشبه التفاحه.

جيوش الجهل بتزحف طوابير!!!

معقول.

مشیت من غیر ما تقول.

أنا مش مستنظر شيء لكن مدهوش.

من إن عيونها السهيانه كانت بتقول ويعدى علينا الصبح أفول.

معقوله هأعيش

من غير ما أشوف الضي بيعزف لحنه السهران

على صفحة وش ملاك

أنا كنت براهن على إن الصحبة تعيش وتدوم نستثمر فيها نزيف العقل المركون.

وننور ركن بعيد م الكون

لكن ما خلاص الباب مقفول.

ووراها سنكرت الشيش

دراويش اللحظه بتحن ساعات.

لحدث أو فكره أو قول..

وأنا مش مسؤل..
على إن جيوش الجهل بتزحف طوابير
زى النمل المرشوش على وش الترتاية
وبيسكر من طعم السكر المدسوس
والسوس راح ينخر ف الجدر الثابت والمنقول
ويرجعنا لأول نقطة ف مشوارنا المغشوش
وكأنه مفيش..
معقوله تروح ماتجيش..

معقو ل!!

غبده الزراع

حارث أرضك الخضرا !!!

```
بتنكشني
              لكن نكشتك بتشك في النني...
         وتدخل في حواري الروح وتفتني
    وأنا روحي بتتسلق سلالم روحك التايهة
                 في دهاليز الغياب عني...
وانا مسالم لكل مسامك المفتوحة ع البحرى..
                    و عار ف دخلتك فيا ...
                   وأنا ليا العشم قيراطين
                وحارث أرضك الخضرا..
                     تنبت وردع الخدين
              و تبعد هم ملكو تك فدا قو تك ..
        رهان موتك في بسمة وش وضاءه
                           و عمزة عين..
               ملا "عين" الهوى العطشان
                  و متشعبط ما بین شطین
                   ومتأرجح هنا وهناك.
           على الشباك بنستنى قمر سهران
```

بيعشق ليل ..

بينشد أحلى أشعاره في نجمة وحيدة سهرانه بتستناه.

وبتغنى لك المواويل..

واه ياليل. واه يا عين

بتتخلق حساسیة مابین روحك وبین روحی ما فیش تفسیر . .

غير الطيران على جزيرة فيها عصافير وبتزقزق على شجر اللقا الفرحان وتجرى بسرعة ع المشاوير. غبده الزراع

بيكب خوفه ع الورق [!!

ضحكتك خدعة.

وبريق عيونك زيف التواريخ

وروحك السراقة بتزلزل الطرقات

ترسم لى طوق الحرير الناعم الهسهاس

أنا قلبي داس الوجع..

واتوضى بالنعناع

ولا كنت أعرف مين اشترى..

ومين اللي باع؟

غير لما دابت ضحكتي وسط الزحام

والحزن خيم فوق جدار البيت.

شجر لبلاب

كتب الغياب سطرين من الشعر الحرام

وفضلت أحوم طير جريح بيحاول الطيران..

لكنه كان بينز أوجاعه..

صدمة رهانه ع البراءة بتنزف اللحظة

وتهز أركانه

وأنا اللي واقف ديدبان قلقان.

خایف من الخسران على قلب كان بلور نور النهار بيكب خوفه ع الورق دهشة ويرسم سكتين..

فتبان ملامح ماكنتش في الحسبان...

أنا مش جبا<u>ن .</u>

إنما فارس كرامته ما تتجرح ولا عمره ذم في روح هفهافة في مداره وقت المهادنة إنتهي..

وحسمتى إنتى المعركة وطلعتى خسرانة.

بين ضحكتك ولقاكى كدبة

بتترسم برواز.

غبده الزراع

واقف على الحدود !!!

ودخلت قلبي إزاي.. وكنت موصد ضلفته وواربت بابه بدون ما أحس بلمسته. و سكنت فيه ـ ـ بلسم جراحي ورقته ما تكونشى جنى أو مخاوى همسته آه يا وجع قلبي الجديد.. أصبح عليل محتاج دوا رمشك فتنى وضحكتك طيسر اللقا جد أخدني لدنيا تانيه شبكنا إيدنا وطيرنا فوق فوق ف السما.

ورسمنا بكره ملامحه غابت عننا فوقنا بضحك ملايكة بتحوم جنبنا وأنت البرئ الطازة قلبك منتشى.. هدى شوية لقلبى ممكن ينكسر وتضيع ملامحه ما بين قساوتك.. ولا نكران الهوى بالراحة لو تدبح وحاسب..

قلبى الحزين راح يستوى وتنبت الأحلام على كفوفك زهور لرجوع أنا موجوع..

لكنى عايش أنتظر وردة خدودك ف اللقا ملمس هزارك كان حرير

ولمستك لوح أردواز..

روحك طليقة زى بسمات الصغار

واختارتي تجرى غزالة شاردة

لحضن دافي يضمها

تلقى الأمان وراحة تسكن جنبها.

من غير قلق سهرانه بتعدى النجوم ودموعك السيالة على خدودك رهان يمكن بيان إنك جيل.

لكن دا قلبك في الحقيقة ف رقة العصافير

وزقزقات الطير..

والغنا في وقت الأصيل.

أنا مش دخيل لكنى واقف ع الحدود

حارس لجنات النهار.

زقزقاتك لحن فنك!!!

طير ورفرف.

بس أوعى جناحك المكسور يعيق الرفرفة

أنت فارق مش خفيف..

إنت بتغنى برواقة

وطيف شفيف..

طير وروح لبلاد بعيدة

لم رأت خطوة عبيد

وأقطف الشمس العنيدة

وإزرع الورد البديل

تلقى أحلامك سعيدة.

واصله ديما للوريد

طير وغني..

للتمني

خلى صوتك يعلا يعلا

يوصل الفجر الجديد.

لجل نهدى الدنيا بيك وبغناك الليل يطيب يطرد الزرع الشيطاني اللي وافد والغريب

.

آه يا وطن<u>ي .</u>

ياللي نابت جوا مني

شجرة الروح اللي شاغلة

كل ذرة من كياني

واخده منى حته غالية..

هي أجمل شئ في بالي

طير وزقزق..

زقزقاتك لحن فنك..

حتة منك

اشدو بيها لجل جيل ما يعرفش النفاق...

أصله فاق قبل ما تبقى في فراق

خطوتك زى الراق..

مدها توصلها حالا..

ولا غنى

عيد غناك لجل تصفو روحه جدا...

لجل يصحى الديك ويدن

انت الدرويش.!! (الصديق الشاعر الراحل محمد كشيك)

انت الدرويش واحنا مردينك.. نقرأ أشعارك ونرددها اناشيد.. يا أبو قلب ف رقة ورق البفره.. والروح هيمانه في ملكوتك حواريك والدمعه في عينك تجرى على كل اللي فاتوك وحديك.. وسابوك ويا أحزانك بدري.. بتعد نجوم السما.. وبتلضمها في سبحة أورادك زي العناقيد انت الطفل المعجون بشقاوة وبراءة وحنين معصور من ريح الجنة.. الخذة.. وكفو فك منقوشه بحنة ل"جهاد" اللي باتستنظر فرحه.. عاشقين عصافيرك لما بتزقزق في الدواوين.. وتقولك شبيك لبيك

مستعجل لبه با كشبك ؟!

لو لادنا الطالعين بقلوب خضرا...

شایفین بکره الجای بعید مستعمل لیه یا کشیك .؟

قلبك شبابيك مفتوحه لصحابك ع البحري

ولا يوم سكيت الشيش. ولا تربست بيبانك بالترابيس

وسايبنا لمين بتكلنا الغربه... وبتهرسنا المواعيد

وزحام الأناشيد..

وأوهام النخبة..

وصفحات الفيس اللي بتتحول لسرادق أحزان...

وما عدش أمان يا كشيك.

وما عدش أمان

حتى الانسان مقتول فينا بندور فيه على ضبى بريق.

وبنتسند على أصحابنا في الزمن الصعب.

وف وسط الكرب اليومى بندور على كلمه تمس شغاف القلب.. وكلامك كان بيحرك فينا كل مشاعر الكون.. وبيسكن في القلب علشان صادق با كشبك

ما تقولى بقى مستعجل ليه. ؟! مستعجل ليه يا كشيك. ؟

أجمل غنوه في الموال.،!!

بنتفنن نعديها..

علشان تمشي مركبها ف بحر امواجه مشتاقه و توصل بر له معنى ومش نكره و لا مجهول وناب الغول أهو واقف كده ومسنون.

بيستنى بريق زيفها عشان يرميها ف خريفها و تصبح ذكرى ف المواويل

ما فيش قنديل رح يقيد لك طريق غلبك

وتوهتك في مدار معتم

مفهش لا نجمه رح تضوی

ولا كهارب..

ولو هارب من الأقدار سكن داره ف عز نهار هنتهار الأمور حتما

وتتكشف جدور ليلها..

عشان انتی معندانی

معنده روحك الهايمه

أكيد صايمه عن الراحه عن الفوقان...

وعن غنوه تناغش ضلك المرمى على الجدران

وكان ياما كان..

كانت شجره و ضليلة...

وكانت خضره وطارحه كتير من الخيرات

لها وللغير

وكات مواويل بتتدندن على الارغول.

وتحفظها الصبايا الحور..

لكن ضلت طريقها النور..

بنتفنن نرجعها

ومش قادرين ولا عارفين نعدلها

ولا نجيب فرحه تعدلها

ومهما نقول. ومهما نعيد مفيش فايده

اهی ماشیه ...

غبده الزراع

البرد بيصافح ضلفة الشيش والازاز !!!

النوم هربان بيتخفى ورا الشبابيك.

وبيقفل الضلفات في عز الخوف...

والبرد بيصافح ضلفة الشيش والازاز

بيفتح دفاتره القديمة ع الوسع للذكريات. تدخل حكايات الصبا وتزاحم الأفكار

مين اللي ضاع في زحمة المواعيد..؟

مين اللي عاش . ؟

ومين اللي مات . ؟

مين اللي بقي ع العهد . ؟

ومين اللي خان . ؟

.

(منظر ۱)

.

البنت كات حاضنه الكتب بحنان على سدرها الهزهاز...

منتظره وردة حبيبها بشوق ولهفه

و هو فايت يدندن جنب سور الجامعه.. والدمعه بتفر على خدها الوردى..

لما لقيته مانقج بنت الجيران...

هيمان في رمشة عنيها وضحكها الماجن

من يومها عرفت إنها كومبارس.

لحبيب مخادع

```
كل يوم الصبح
يغسل مهجته بجديد
....
(منظر ٢)
....
الواد اللي واقف جنب برج حمام...
فوق سطوح البيت.
```

والقمر س...

غبده الزراع

تاهت غناوى السكك !!!

مبلوله يا دموع الفراق بالحرقه والأحزان..

الدنيا مش فدان حنان لكن أمان القلب في المشاوير..

تكتر حمول الانتظار على الغير...

ويعدى ليل ورا ليل شايل أمارة قمر سهران والعشق مش مواويل.

قلب البنيه اتكسر...

يا دهشة القناديل

شايل حكاوي وغنا

متدندشه ترتر حرير

وازيز الطيارات بيحرك الأحلام فتطير...

تطلع لوش السما تنزل مطر ...

يملا الحياة بالخير

منتاش خطير..

ولا كنت يوم قمر الزمان...

ولا كنت يوم فارس أمين

ولا خطوتك كات البراق

ولا نظرتك صقر الحروب.

ولا كنت عالم بالدروب

فاق النهار على حر نار الضحي

تاهت غناوى السكك من قسوة القلب الحزين

واتكب ضيى اللقاع الطريق مرايات

خابلت جبيني وتاهت الضحكات.

اه يا بنات طالعين طلعة هلال العيد

فيكو المحبة طريق..

خطاویکو أحلی وسامه

واللعب في المواعيد..

قلبي يا طير ع الشجر مفرود بقاله سنين

اطوى الجناح واستريح..

وأرجع لعشك واستكين..

أصل الهوى مالوش دوا

وله لا مله ولا حتى ودين.

غبده الزراع

احتمالات الإجابة.!!

لبه تموت الاسئله على طرف حرفك ؟ و الأجابة ليه بتهرب من شفايفك . ؟ ليه بتقنع نفسك الحير انه انك مش ملاك. ؟ إنك أجمل صوره كانت فوق جدار اللحظه ضي وأنت مش مرغم تدافع عن مزاعم أو شعور أنت حور الجنة في عيون الحبيب. بس قلقك خلى نبضك جاي حي آه من الايام يا خي.. لما يبجى الوهم ويسيطر عليك تبقى بتدافع وتبعد أي شبهه أو ملامح للغرام الكلام الحي بيصحي الجراح... واللي راح ما عدش جي ليه بتقفل كل باب مفتوح موارب..؟ ليه تخلى الصبح يهرب ف المغارب.. ؟ و أنت عار ف آه و شایف بس خایف... من اللي غابب و اللي كاشف للمشاعر واللى بيراهن وكاهن.. واللى عارف إن جرحك لسه نازف بكره تعرف الحقيقيه اللى كات هربانه منك واللى انت كمان بتهرب منها ليها.. بس أدخل ليلها دور يوم عليها..!! تلقى كل احتمالاتك للاجابه بين ايديها

جارح يا سيف الخجل ..!!

يا غنوتين مالهومش تالت.. ليه العيار حيران وفالت وفالت وأنا كنت أول قطفه في المواعيد.. وكنت تالت سطر في الأوراد والفرح هربان مننا وشاتت

.

معقولة نغرس نخلتين. أناشيد و نعيد غناوى الفجر ف الحواديت والبيت بيصرخ من هجرة الكتاكيت والديك بيدن والضمير ساكت

.

إياك تروح له في المواسم صيف وتز غلل العناقيد على الشبابيك وتعدى بكره من أول امبارح.. جارح يا سيف الخجل جارح والليل بيتدبي على طروف الصوابع وبيكره الخادع.. وبيكره التابع وبيكسب الجولة من أول الجوله

```
على نطقة الله اكبر
                  فينا الأمل يكبر..
                والخوف بيتراجع..
من غير موانع طالعين بنتهجى الرجا
               وبنكره الوضع الغبا
               و ندندن الحياة دندنه..
             ونقول بصوت حياني..
                      حیا حیا حیا
         سهله الحياة من غير رهان
          صعب اللقا من غير ميعاد
             بين اللقا وبين الرهان...
              واقفين أنا وانتى حياد
            على شعره من ديل ا ...
```

على أول السكة !!!

ممكن يعدى الليل ويونس النجمة... شار د با ضي القلب في الملكوت و بتستجير من لو عتك بالويل... منتاش دخیل فی همهمات الروح باعك خلاص على أول السكة. هج حمام الدوح. ووقعت في الربكة.. والدنيا مش محتاجة ربطة أمل و لا شبكة الكل يجري ع الصراط في لمحة البرقة سكينة سارقانا و الوقت فايت بيمر وبرقه نضحك ساعات. نحزن كتير طعم الدموع حارقة فبلاش تراهن ع البكا.. ولا فرحه طارقه ف الأفق صدقنی مش فارقه

حدود ممالكك دنيتي !!!

باستلطفك

علشان عيونك كهرمان الروح

وحدود ممالكك دنيتي..

عصافير وخضرا وجنة مليانه بظلال

ونسيم يهفهف ع الورق تغاريد.

كلمات قصايدك سحرت الوجدان...

سبقتني سكنت ف الوريد

وعششت بين الغصون موال

عرفت طريقها ومرجحت منى الشعور

وخدتنى من نفسى لعالم كله سحر وأخيله

ولقتني ف أحضان النجوم..

بشاور على القمر اللي سهران ف الجزيره هناك

ومضوى ليلى بلؤلؤ اللحظه.

أنا قولتلك ده الحب..

بس تفسيره بيعجز ع الوجود

فيه حبل سري بيربطك بيا

ما اقدرش أبعد أو أبوح بالسر..

وكأنى طفله بضفيرة ملونة

حدود ممالكك دنيتي !!!

باستلطفك.

علشان عيونك كهرمان الروح

وحدود ممالكك دنيتي..

عصافير وخضرا وجنة مليانه بظلال

ونسيم يهفهف ع الورق تغاريد..

كلمات قصايدك سحرت الوجدان...

سبقتني سكنت ف الوريد

وعششت بين الغصون موال

عرفت طريقها ومرجحت منى الشعور

وخدتنى من نفسى لعالم كله سحر وأخيله

ولقتني ف أحضان النجوم..

بشاور على القمر اللي سهران ف الجزيره هناك

ومضوى ليلى بلؤلؤ اللحظه..

أنا قولتلك ده الحب..

بس تفسيره بيعجز ع الوجود

فيه حبل سري بيربطك بيا

ما اقدرش أبعد أو أبوح بالسر..

وكأنى طفله بضفيرة ملونة

مفتونه بالزقزقات

ما اعرفش أبعد عن مدارك.

وكأنى مشدوده بحنين وآهات طيب. ممكن تفسر لي ارتباطى بطاتك اللى خطفانى ببريق وحنان واللى حطانى فى طريق باعشق خطاه وارسم وجودى فى دنيته..

الفهرس

الأهداء	-1
وقت عصيان الأمل	-۲
بتظلمني	-4
بدون تأشيره للمرواح	- ٤
لمسة حنان من ريش جناحها	_0
وبكل بساطة	٦_
حكاوي الغرام	_\
هو ممکن یوم تعود <i>ی</i>	-7
البحر شاهد دليل	-9
قلوب ضحكتها من أسفلت	-1.
الحياه لما تعدى مقلقه	-11
بتحميني من الحر وم الأمطار	-17
الولاد الغوص	-17
يا أجمل الطلات	-1 ٤
نهار سارق وردتين م الضي	_10
بحة أجمل ناي	-17
جيوش الجهل بتزحف طوابير	-17
حارث أرضك الخضرة	-11

- ١٩- بيكب خوفه ع الورق
 - ٢٠- واقف على الحدود
 - ٢١- رفرفاتك لحن فنك
 - ۲۲- انت الدرويش